

摘藻堂四庫全書薈要

集部

欽定四庫全書薈要卷一萬三千三百六十九

集部

御製詩二集卷四十二

古今體九十九首

癸酉五

題靜明園十六景

廓然大公

聽政之所虛明洞徹境與心會取程子語顏之

沼宮時燕豫召對有明庭即境愛空濶因心悟逝停鑑
呈自妍醜汲取任壘餅敷政真堪式寧惟悅性靈

芙蓉晴照

峯峩如青蓮華其巔相傳為金章宗芙蓉殿遺址
名適暗合非相襲也

秋水南華趣春光六月紅羞稱張氏面不斷卓家風無
意峰光落恰看晴照同更傳稱別殿舊蹟仰睇中

玉泉趵突

泉自山腹漢出燕山八景目以垂虹者謬也茲始
為正之

濟南

虎跑

突將浙右

虎跑

第一讓皇都

通品名泉定玉泉為

鏡

水呈功德屏山疊畫圖澗瀝千載利玉帛萬方趨日下

傳成說於今始正誣

竹鑪山房

南巡過惠山聽松庵愛其高雅輒於第一泉仿置
之二泉固當兄事

惠泉仿雅製特為構山房調

去聲

水無煩遠名泉即在旁

一時仍漫畫

今春過山房試茗曾手寫為圖題詩置壁間

五字旋成章鉅磬

何須慮松鳴真是涼

聖因綜繪

蒼萃西湖行宮八景於山之坤隅恍攬兩高而面
南屏坐天然圖畫間也

為愛西湖上行宮號聖因圖來原恰當構得宛成真鐘
逌南屏韻山標上竺皴所輸波萬頃却便閱耕畝

繡壁詩態

石崖巉峭壁立名之曰繡取杜老絕壁過雲句意

也

絕壁幻雲煙時開錦繡然名家空藻績大塊不雕鐫留
此千年意居然四十賢曹劉如降格知復定誰先

溪田課畊

疏泉灌稻畦每過輒與田翁課晴量雨農家景色
歷歷在目

引泉闢溪町不藉水車鳴略具江南意每觀春月耕嘉
生辨秔稻農節較陰晴四海吾方寸悠哉望歲情

清涼禪窟

佛火香龕儼然臺懷淨域更不問是文殊非文殊
名山結初地蔥萃四隣通愛此清涼窟常饒松竹風花
如悟非色鳥解說真空比似白蓮社迴輿笑彼翁

采香雲徑

由禪窟右轉東北行磴道盤紆山苗礪葉翻馥綠
徑

松徑招提出蘭衢宛轉通植援防鹿逸學圃望魚豐是

藥文殊采非雲八伯叢欲因知野趣匪事慕尊松

峽雪琴音

山巔湧泉潺潺石峽中晴雪飛灑琅然清圓其醉
翁操耶

搏壁上層極琤然仙樂調色疑舞滕六製不出雷霄雲
霧生衣濕川原入目遙置身塵以外得句亦因超

玉峯塔影

浮圖九層仿金山妙高峰為之高踞重巒影入虛

牖

率堵最高處
峒峒霄漢間
天風摩鶴鶴
浩劫鎮瀛寰
結攬八牕達
登臨一晌閒
俯凭雲海幻
竭爾憶金山

風篁清聽

竹近水則韻益清涼
颼暫至蕭然有渭濱淇澳之
想

水木翳然處
端宜植此君
每因機慮息
常有靜聲聞
鸞憂風中籟
龍飛月下文
王家多子弟
應爾獨起羣

鏡影涵虛

泉至前除匯為平池澄泓見底荇藻羅羅輕儵如
空中行洑流沸出若大珠小珠錯落盤中

濟上曾流憇珍珠故此如淙淙常漱玉朗朗鎮涵虛曲
折千廊繞團圞一鏡儲寧無於水鑑絜矩試憑諸

裂帛湖光

山東麓為裂帛湖昔人謂泉從石根出溢為渠者
是也由昆明湖放舟以達園中傍岍置織局桑疇

映帶有中吳風景

湖名傳日下此日偶重題
穀影風前裂機聲煙外低
噉喁樂鰈鯉翔翥集鳬驚
詎止歌清濁還因會鳬倪

雲外鐘聲

園西望西山梵刹鐘聲遠
近相應寒山夜半殆不足云

靜室花宮側鐘聲發上方
隔雲音越迥警俗意彌長
似共天花落何殊梵偈揚
七條如可悟不必問真常

翠雲嘉蔭

雙栝鬱然並峙相傳為金源時植元吳師道玉泉
詩有云長松古檜見未有殆即是耶因樹為屋故
以嘉蔭為名

古栝金源種雙株尚鬱然適因構閒館堪以悟齊年翠
影虛牕外寒濤敞座邊夷齊名塞上

丁卯巡塞外逾僧
機圖嶺之南古松

雙榦並峙命之曰
夷齊松作歌紀之續詠欲增前

鄒一桂菊華秋實

都云秋實勝春華
畦徑今看別一家
也祇金英方合稱

兜羅綿手恰拈花

畫有佛手

董邦達霜林蕭寺

一夜霜吹楓樹枝
於蕭淡裏越丰姿
翠岩若問相應處
正是眉毛拖地時

錢維城溪亭秋色

笠亭四柱曉秋新
樹有風情山有神
懷抱正如天共遠
獨思宋玉彼何人

慢成畫筌

於求似忌太求真不薄今人愛古人

用杜句

腹鮮詩書豈

有韻筆饒刻畫也無神

長河泛舟進宮

視朝詎數典勤政每屋子率已隔時久欣茲值雨餘川
途遡遊宛忝壠鬱蔥如慰後思前此憂勞正未虛

萬壽寺小憩

去去言尋靜者論岸傍宛在化人園雨涼生袂權辭扇

漲水浮船送到門綠濯假山越蔥蒨白垂細瀑旋潺湲
我非元度無僧答題句空還意自存

詠玉環

象天含動靜秉地具柔剛賜得孤臣喜遊中達士狂渾
然去圭角穆若謝章相無數唐宮艷華腴正不妨

題金粟牋

蔡左徒曾紀傳聞晉唐一片擬卿雲鋪牋見此代猶宋
試筆慙他驚換羣燕粟底須誇玉色青蓮仍自隱經文

用之不竭非奇事金粟如來善化云

詠古一首

惟儉者不貪此理夫人曉世服王陽庶怪奢何顛倒既
為奢人妻奚至竊啖棗樹完去婦還無乃太飾矯

襍花

襍花匝琳階雨後爭嫵姣丁星復蕤約態較春園好譬
如苧蘿野端勝金屋窈灑露炫珠簪迎風拖翠標秋意
夫幾許愛此占秋早惜時復此心晰理殊難曉

短歌行

似是而非事不可偶王貢彈冠咸博結綬纁征雖同公
私異陽禹号号多讜議陳朱行詐終無濟拔茅無別匪
至計

討源書屋對雨

憑窗雲脚落纖絲
眼傾盆漲曲池
剛覺炎曦蒸邇日
恰欣涼雨沛乘時

雲容聚散渾無定
雨勢濃疎最有情
便合作霖應益妙

晚田率已遍新畊

問

安每此傳餐便旋復疇咨引席珍都道邇來暘雨若持
盈昴爾倍生寅

菑園八景

一亭一沼爰靜神遊之鄉非壑非林自足天成之
趣此中大有佳處物外聊爾寄情不為嵩山之比
方偶效右丞之格調

朗潤齋

機緘合希夷水木呈明翠銀塘橫半畝萬頃煙波意

湛景樓

樓臨內外湖地高望斯遠湛然虛且明絜矩出治本

菱香泝

風前度彌靜雨後香益清彷彿吳興岍菱歌唱晚晴

青蓮朶

藍瑛碑側石名之青蓮朶介示無去來默傳忘物我

別有天

總此一大內謾稱別有天
達人誚坐井匪我古已然

韻天琴

石激出淙乳儼中宮
商音我不解攫醪而愛韻天琴

標勝亭

笠亭據假山亦足云標勝
設擬宣城蹟合得謫仙詠

委宛藏

境以曲折幽中宏
延外廣尺宅含寸田
至人貴知養

漾舟昆明湖

平明宿雨收却暑漾華舟荷芰馥露氣漪瀾增漲流宛
在風來凉若濟波乘浮空翠落湖心叢碧猶峯頭天水
相與澄報我行臨秋

翠雲堂

背栢山堂號翠雲松杉間植合同羣好風端自樹中得
古寺遙從嶺外分得句底須希六代讀書祇合展三墳
坐來謾謾簷端遞弘景何殊向所聞

詠相風

長綬繫雞羽五兩古所稱後人善增華易以金鳳形金
鳳或失重五兩或失輕於今用絹囊動靜隨風呈轉旋
利覘候取携便行程每因厓稼穡恒以占陰晴竿頭自
止息那識對者情

紀事

職方掌馬政今古稍異制上駟育天閑驪黃六飛備司
馬設京館惟用供驛致芻秣費良厚厯減十三四其數

猶八百圉官或竊饋馬食人食之碑兀半僵斃存者僅
三百率弗可乘騎夏卿覺其然白簡付吏議剔奸爾已
能務實我尤切叶一再減何妨莫擬過苛細三百茲僅
存不聞郵政廢奚獨飽貪囊不為節用計乃有作難者
亦頗中去聲時勢賴馬食者多減馬人將逮貢禹疏曾讀
謂其言精詣小試已扞格今豈非昔世匪慕漢文為探
賸聊紀事

夜雨朝晴

夜雨朝晴良苗怒生朝晴夜雨秀實禾黍農家者流常
咨詢穉苗頗欲稍旱云根深蒂固乃逢雨勃然興可致
如雲譬彼危患智多達又如沃土無佳民我聞此語理
或然望澤萬目那俄延於時利沛大轉旋西成尚遙敢
忘前劬農惟益勵乾乾

題董邦達萬卷書樓

秀木嘉陰綠竹稠芸編萬卷置層樓高人默坐翻經笥
寧數當年有鄴侯

習射示衆

晝長無事綠陰勻
肄射親將待衛臣
右詘左支尊國俗
端身繹志美先民
箭飛欲引涼風拂
弓滿如迎秋月新
貞觀猶傳殿廷習
可忘本色遜唐人

六月廿九日作

夏冀數葉落三週
節未行秋月逮秋
赤帝送來婪尾熟
綠雲兆出稱心收
從占德暑何須避
轉惜分陰擬且留
一日平分消半歲
象臺欲報火西流

七月朔日

嬪代速於郵金縢一英抽雨行將送暑風到便知秋移
竹曦光漏擎荷露顆流宣毫及江硯素節詠從頭

溪亭雨霽

陣雲猶是夏峰尖嘉靈傾盆盡滌炎藍蔚天光忽澄霽
無邊秋意一時添

題張宗蒼畫

紫迴山隱碩人邁谷口何當有客過不是彈冠結綬輩

往來樵斧襍漁蓑

飼魚

琳池雨後波紋恬
錦鱗千頭畫水嚙
育物亦以示旌別
不襍敗類鱧與鮎
飯餼餅餌無不可
投之羣至紛喁噏
長竿曲鉤却無事
憑臨兼可人情占
怯者少得而瞥逝
貪者屢囁仍無厭

昆明湖攬景

試探新秋信
因來山水間
有風爽滿目
過雨黛凝鬟
波

意將呈澈雲容欲就閒綠塍消息好私幸慰民艱

景明樓

長堤紆屈界明湖上有屢樓綠樹扶高下珠簾全倒映
東西玉鏡各平鋪天光水態披襟袖岸芷汀蘭入畫圖
比似岳陽應不讓范家記語最厘吾

清可軒

雨足濃皺一屋山天葩仙藥非人間是中消夏宜長住
笑我無過暫往還

夜雨

枕上驚雷殷地鳴，倏聞靈雨注簷傾。
明知涼滌十分暑，恰喜潤乘三日晴。
早黍方將爭怒長，晚蕎率已遍新畊。
邇來時若真私慶，前此那忘顓望情。

題鄒一桂畫

晚浦芙蓉慘淡紅，參參鋤立綠楊風。
何須點筆為長賦，看取秋光滿眼中。

晚晴即景

膏雨沃禾根，襄雲斂天末。
夕陽西山西，霞光殷一抹。
葉影翻鴉背，花姿艷秣耨。
韃韃鑑波喜，朗澄披宇寄。
寥濶銅雀欲，喧鳴望慰三農渴。

詠假花

風前不散香，霜後豈落瓣。
兩全信矣難，萬種任其幻。

泛月

最愛金鰲月，閒移玉鏡舟。
目同初鳧潔，心與素秋謀。
露芰香吹遠，風螢影度浮。
去年即此夕，舉首眄西流。

題張宗蒼畫二首

春景

誰治春山面伊人乃獨工竹依盤谷綠桃帶遠村紅折
簡招裴迪蹋花歌白翁東臯喜時雨有渰正濛濛

秋景

天淡雲閒候秋光觸眼新季鷹貴適志王粲早傷神疊
巘樹開錦垂厓水迸銀浣花如屬詠興寄曲江濱

聞蛩

在野秋蟲發清響月明如水一聲新無端聽者應惆悵
况復多經哀樂人

七夕六韻

白帝蕭秋屆黃姑佳會傳推遷自天運離別亦神仙何
處曝衣閣誰家乞巧筵屏張雙兔鼓盒閉小蛛錢那覓
龜龍鏡宜親翰墨篇高吟杜工部早著祖生鞭

對雨

七月
八日

細灑復繁注飄蕭爽氣浮洗車真有雨辭扇早知秋池

穀紋如疊簷琴韻轉悠晚來雲影散更喜素蟾流

讀杜詩漫題

冷炙殘杯覓今來古往色惟應瘧鬼避那免謫仙嘲嶽
望窮青魯堂成蔭白茅達人命多滯難擬問羲爻

立秋日六韻

秋月立秋日秋光滿意添披襟風有力却蓋日無炎頃
覺蟬聲亮不嫌蟲韻纖花容搖錦綺雲影散帷檐荷葉
擎銀汞梧梢露玉蟾晚來微雨霽恰好應農占

農占立
秋日雨

而即晴為
豐收之占

江山秋霽歌題張宗蒼畫

他人之畫畫其法宗蒼之畫畫其理求之於今幾莫儔
求之於古竟堪比黃大癡倪高士之二子中得神髓是
時火流西風起應節構此盈丈紙正旗堂陣大差排探
脇雕肝細模擬天欲高而蔚藍樹欲鳴而染紫有如洗
之碧山更帶之以流水石厂倚巖板約接溪柴扉間出
水閣斜迤氣霽神來百務爰始細徑歸樵無反裘斯可

矣策杖訪客則有抱琴之童子坐竹牕者伊誰非龐德
公乎是則山陽高平而已眄薰葭之蒼蒼想風人之深
旨蝸廬若浮彼緯蕭者寧善賈之可市遠帆天末掛孰
謂非太白當年無恙秋風是上下數千年縱橫一萬里
我曾一覽江山真面目故知新秋霽景應如此

立秋後題

代謝不相假一夜變節序炎官彼蒸溽金風送何所朝
來天宇晶曦影上窓戶蟬亮有繁聲燕去無留羽協時

喜澄霽驗農思相輔

襍詠

淮南謠斗粟周詩詠閱墻天倫本同根何至相殘傷長
枕及大被聞之李三郎友愛斯足矣煮藥乃荒唐豈其
乏使令鬚燃謂無妨徒博花萼美何救蜀道長焦竑失
取裁養正猶稱芳

題張宗蒼李白詩意圖

宣城縣即宣城郡永安橋接鳳凰橋謝朓李白兩人物

前呼後應相逍遙會心何必定會面秋朝端復勝春朝
寄問高樓今在否意存我獨陵雲標

和江文通襍擬詩三十首

有序

稽夫擬古之作平原振其先聲康樂揚其盛藻迨
文通雜體上溯西京下迄劉宋名章傑構略云備
矣夫緣情之製各寄性靈將沿流以討源亮殊途
而異軌賞音者博綜以示區分寄興者擬議而成
變化譬觀樂風隲於列國嘗鯖味致於五侯斯固

大雅所尚諒非小技所嗤也此以西稔可期勅幾
多暇披荷風於水軒書史樂志研蕙露於清晝筆
硯親人遍和舊題悉仍前韻彼之託詠陳篇因攄
厥抱予惟不參己意各肖其人至雜擬卅篇醴泉
自無專作而離別一首枚叔本在懸揆因以屬淹
轉用為殿

李都尉

從軍

陵

言念先將軍義勇羞閒宴徒因失貴臣扼腕揮血霰送

子當遠行努力酬稱薦綢繆藉樽酒應有重相見寧終
各東西伯勞及飛鷺

班婕妤

詠扇

持彼并剪刀裁此齊紈素規以圓如月障之隔似霧即
看秋欲新寧辭夏為故篋行非棄捐涼蟾在高樹君王
玉輦過曾是辭陪路

魏文帝

遊宴

曹丕

載攜文墨友言遊芙蓉池琳塘度錦飈其芳左右披叢

木亦喬枝高山亦峻崖綠波迴轉間中有行舟隨共與
為豪遊何必相參差行樂貴及時秉燭休辭疲不見彼
駒隙已過安可為畢景漾川陰明月復出林詎云效長
夜聊用歡同心

陳思王

贈友

曹植

昔我在魏都德輝仰圭壁今我居鄆城離羣守邸宅義
惟金蘭固情詎濶睽薄于時臨凜秋錦樹率搖落念子
愁先填紆愁登綺閣引領忽北望乃益增慙若況子多

芳辭不數金與腹雙鯉倘有惠酬贈吾當諾願言勵初
志相期在薇藿

劉文學

感遇

楨

松生桃李中碌碌難為色嚴節霏素霜始見貞幹直深
感賜剪拂遂得託鱗翼善任更蒙私不離翰墨職填委
敢賢勞惟懼虛車飾日晏稍釋閒結攬城西側長川欲
濟之波瀾不可測

王侍中

懷德

粲

炎劉遭厄運豺虎紛西京
逝將適荆蠻喟然背井情
涇渭清濁伊洛復縱橫
英雄乃崛起一掃氛埃清
小草附大木竊幸託纖莖
士為知己心未言淚先零
鄴都儼熙皞將致海寓平
吾輩何匡濟並命榮簪纓
樽侍旨酒芝蓋臨層城
惟應占拔茅底用哀浮萍
願言駐曦御莫向崦嵫傾
馳驅奉明時亦藉貽鴻名

嵇中散

言志

康

嚴鄭雅慕道柳孫迴
絕塵軒軒霞舉徒豈必非我倫
即

欲乘枯槎駕言浮海濱猶恐耦畊者笑我曾知津以此
隱市鄧含弘且遊神良時復有酒肴核亦謀陳痛飲信
何妨誰能禮束身幕天席地間放浪全吾真神仙無大
藥世界如宿賓散髮聊優遊安用恒戚辛平生喜山公
今知非達人自見慕章甫強我希垂紳

阮步兵

詠懷

籍

鷺雀籬落翔黃鵠雲霞飛羽翼各有用問君當安歸烈
夫徇名譽辨士爭是非舉事百或多成務一已希方將

飲醴泉安顧嚇鼠微

張司空

離情

華

金律動蟋蟀忽然鳴階墀涼風既拂戶清月復鑑帷佳
人愁幾許有如綠雲絲當鏡不理粧為誰修容滋孰謂
方寸心乃擁萬里思萬里行可盡寸思終無期

潘黃門

述哀

岳

逝水送流年驚風飄疾日人生分至此萬事一以畢少
小誦關雎窈窕友琴瑟雙栖翰林鳥中路隻其一冀覲

終無逢傷神若有失誰能少君術令我晤芳質當筵每
忘餐披衾率不寐不寐神宵冥夢中如遇形了知是幻
緣安能通性靈紆軫陟東阜泣灑雞汁銘埏側委敗葉
阡隅積落英就車緬歸途迴顧恨難平

陸平原

羈宦

機

無能遠營道方將近託身博望既承命桑梓當辭親去
去遵北渚遥遥眷南津脩途束輦厲輕車越梁陳朝為
田野民暮為講讀臣承華多俊髦率昔鄒枚人追隨頗

自慙俯仰向三年僕夫駕我車散慮循洛川因之望故鄉紛紆莽秋煙沈思鬱誰語慨歎私自憐抗懷二疏傅超哉非偶然

左記室

詠史

思

昔聞東陵侯種瓜隱青門全身復全名翹景馳神魂博望奉明詔西去窮河源天馬大宛來鑿空最蒙恩桑梓或匪重金紫或匪尊天機薄者流頗復艷朱軒客卿西上書季子北陳言聶政暴韓市田光刎都門長嘯非我

徒永言樂丘園

張黃門

苦雨

協

商羊儻其翼黑蜨出於渚山雲低屋簷水衣生柱礎胡
不雨春朝而每霖秋序寥寥曲突煙十家九不舉輪聲
聞蹙然惠臨嘉賓侶談高託義皇情深詎秦楚推憲眄
浩浩青天以為佇

劉太尉

傷亂

琨

素宇懸金曦胡乃翳雲霧幸未淪鹿逐倏已成虎據三

世荷國靈詎敢辭勞驚渭濱一釣叟非熊西伯遇受金
盜嫂人乃被無知舉今日堂堂來昨日冉冉故知彼太
虛間浮雲瞥眼度少小識祖生共宿荒村路聞雞非惡
聲曉月在高樹所期嗟何就枕戈空百慮勁風隕實朱
華霜點鬢素時哉待人為未可諉定數

盧中郎

感交

謹

伯牙及鍾期交因絳桐器何事咸博輩結綬期致位猥
蒙厠羣賢常羞非其匹綬彼狐白裘其皮信非一逢榮

固不期遇厄遑有恤顧慙鴻腹背損益何得失負擔本
州役四境幸寧謐未增晉陽壘詎抑秦兵出邈哉千里
塗不騁駑蹇質終當謝榮華蓬茅守蕭瑟赫赫雖無名
悠悠亦多逸願志潛山澤鍊玉餐瓊實

郭弘農

遊仙

璞

遊俠慕京華肥遯戀泉石一以弊精魂一以駐神魄暮
擷紫芝英朝飲玉露液茅龍或可騎直上青雲隙安期
遺我棗如瓜色凝碧永言託煙霞翹企佳美客修仙當

早辦試看蜉蝣迫

孫廷尉

襟述

綽

混沌質之始形色初未兆如何之二子鑿竅俾其天涉
言已失之况言而未了吾羨蒙莊子獨能與世矯斯人
已仙去知音曷其少披髮偃山中落落喬松老浪迹任
天真亦不云修道輝輝東岡上一輪秋月皓對之無一
事何必太元草託志在返初用心即鄰巧高蹈溟海垠
日日狎青鳥

許徵君

自序

詢

大塊復何為勞我以形像巖谷素所耽紳黻非所賞
飲河及巢林知足可長往采藥煉水碧餘生庶能養
雲林石為室既靜復虛敞翠巘即丹梯攝軀飄然上
仙者四人吹笙弄瓊響授我黃庭經內修非外獎筌
蹄盡擺脫煙霞寄蕭朗迴顧金張輩哀哉沉世網

殷東陽

興囑

仲文

蕭晨聊行遊言尋山水趣颯然澄翠間賞心於此遇森

森多長松列植襍衆樹百尺擢寒條挺然識貞素
鯁生何足齒猥首預機務早貽匈奴哂豈有貢生
慕逝將投吾簪抗節遺萬慮

謝僕射

遊覽

混

環洲窮窈窕絕壑探清整駕言命中車退食出蘭省
素心契九秋目與天水永黃華發幽崖綠柯蔭高嶺
俯仰得所欣西峯銜落景偃憇御閒軒涼蟾懸夜靜
曾是耽寥寂所好性各秉折麻寄知音聊以當歌郢

陶徵君

田居

潛

五斗信懷慙歸去來田陌富貴豈不佳人生各有適前路問征夫素曦恨將夕三徑五柳間南山見疏隙上壽百歲鮮於何勞物役農人咨畊耘婦女工紡績衣食要自謀待人亦奚益

謝臨川

遊山

靈運

素志遊名山五岳不可缺於茲得靈境將無為我設著屐隨高低策杖陵幽絕雲障鬱深沉天池湛澄澈既以

淹昏旦遂欲窮昧晰崇峰疊峻素節澹寥泐石門杳
難攀巉巖相糾蔽玲瓏蹇瑤林清淺涉雲汭海鶴傍松
間山鼠驚人逝如拳蒼蘂花其色白於雪丹砂訊經泉
銅乳訪洞穴疑逢王喬侶霞標弄明滅塵世莫可羈相
期泛海蒞蓬萊設身歷將為後來說

顏特進

侍宴

延之

閭闔啟黃圖澗瀍環赤縣樂遊古佳麗曲水今聞見蜚
雲闢紫宮象極崇丹殿既以導清和亦云避霜霰傾聆

悅瀏泔縱瞬賞蔚蒨堯樽周三巡舜樂叶九變惟慮方
鎬飲寧復數汾宴冠劍侍岳牧圭璧集侯甸咸覩鳳凰
儀屢奏卿雲見扈陪引席珍升降聯蟬弁微臣凋朽質
猥蒙廻顧眄云何荅高厚遂自忘踈賤飽德銘肺肝獻
藻非瓊瑱願言歌九如衷忱庶因薦

謝法曹

贈別

惠連

朝辭富春湄暮駐浙江汭丈夫志四方安能永無別會
面應有日灑淚休霑袂獨是飄飄舟逝將冒風雪風雪

嚴冬時宵長懷所思執手送君際明春以為期既至獨
歸來踟躕半信疑皇州春色滿鶯嬌桃李滋桃李滋紛
若久寧逌銷鑠倡樓錦繡風開簾引輕薄向秉尾生操
兼厲季布諾願子勿耽歡林泉永幽託幽託何所勤古
道悅今人雲生赤石頂波浩滄海濱已具木蘭舫將子
撰良辰元君在蓬萊石橋寧待陳待陳彼徒勞共君為
雲遨探竒麟鳳洲蹇秀芝蘭皋悠然散胸懷希夷樂陶
陶仙字不可讀綠篆鐫青瑤

王徵君

養疾

徵

榮衛失和調膚腠乏華滋遠非杞人憂寧懷左師悲去
來信天命徙倚臨秋墀銀鬣入虛牕金飈拂素帷幽意
與之然寧使方寸緇岐扁不常有洪羨詎可期恬懷聽
造物紓緒聊成詩

袁太尉

從駕

淑

天經重追遠祭義嚴求元周王甲子旦漢帝粉榆年萬
騎龍遊雲千乘水流川式度百辟隨昭明三辰懸前驅

屬長江後隊
芭鐘山建旆
既悠悠伐鼓
亦淵淵觀風
辨歌謠展義
惠市廛家無
凍餒貧戶有
詩書絃匱申
景慕衢樽燕
光天祥飈隨
斗車湛露濡
玉筵左史執筆後
太師抱律前
徵招義誠合
希共八風宣

謝光祿

郊遊

莊

言攜芝蘭侶
載遊巖谷陰
翠山以秋高
綠水以秋沉
值此節序佳
輕橈待江潯
沿曲乃盡妙
窮源遂入深
捨舟復就陸
攀蘿踐層岑
雲閒淨紛緒
蟬亮遺豪音
翻風葉

霏錦泣露菊綻金蕭瑟臻太虛冷然獲我心信可樂天
倪誰容外務侵

鮑叅軍

戎行

昭

仰首瞻天宇機槍夜有光致身當赴公豈辭去故鄉荷
戈便為枕眠甲涼於霜主將愛士卒每食分粟漿襲怠
貴夜行銜枚歷羊腸誰能辨旌旗安容問穹蒼腐儒株
守經徒言將饑荒涉川棄便舟何日成輿梁抱子猿孤
哀驚弓雁獨傷都尉聞之訶鄙言篋中藏

惠上人 怨別

休

素節引人傷况經懷別哉三秋信已如曾無尺簡來登
樓聊驚望對景自徘徊蜀月猶然孤楚雲終未開淒涼
博山鑪寥蕭玉鏡臺鴛帳久弗褰曲瓊滿積埃何當歌
聿至一寫莫訴懷

江文通 古離別


淹

莫悲生別離脩途况玉關送君未云去問君何日還身
非湘竹枝淚痕何團團含情默無語歲晏愁節寒愁來

蜀有涯同心而濶離願為連理樹尚有相背枝願為影
與形依倚兩不移



御製詩二集卷四十二



總校官庶吉士 臣侍 朝

校對官庶吉士 臣陳文樞

校對官編修 臣朱攸

謄錄監生 臣魏綿曾

欽定四庫全書叢要

集部

御製詩二集卷四十三



詳校官原任編修臣徐立綱

欽定四庫全書薈要卷一萬三千三百七十

集部

御製詩二集卷四十三

古今體九十八首

癸酉六

中元夕即景

新秋夜漾船郎如今夜最初圓碧霄無際雲輕斂

太液有波星倒懸露掌三危貯天酒湖心萬朶撒金蓮
無邊風物供吟眺誰解閒叅法喜筵

望瀛洲亭子

驟雨過河源碧天爽氣來落景照東宇赤城絕崔嵬非
煙亦非雲如樓復如臺虹橋若可躡佳美相追陪亭子
琳池西望瀛名久哉今朝乃領要儼然見蓬萊可望不
可即勞者非仙才

題張宗蒼畫

長松如翠雲飛瀑如白雪箕踞共談元人境兩清絕語
雖不可聞應是還丹訣

待月

七月十九日

過望月應遲臨秋天似洗攬景復乘涼停舟聊徙倚已
欣暝煙蒼猶帶嶺霞紫星辰上下涵燦爛波紋裏東林
忽辨色一縷金絲委絲繩繩而絢眉葉形迤邐吳鉤更
半鏡晶明露全體須臾出樹杪朗照山河綺其他難為
光熠燿何足擬入秋歷歷看三五踰四矣今夕驗片刻
萬狀幻無比待之乃覺遲對之翻憐駛寄言玩愒人害
不視乎此

王泉山雜詠十六首

玉泉山蓋靈境也雖亭臺點綴時有晦明而山水
吐納嵐靄朝暮與造物相終始故一時之會前後
迴異一步之移方向頓殊吾安能以十六景概之
即景雜詠復成十六首

清音齋

數竿竹是湘靈瑟一派泉真流水琴淨洗聞塵澄耳觀
不知何處覓清音

華滋館

竹素園中翰墨筵優游良覺沃心田偶來便爾忘歸去
滿目生機總靜妍

冠峯亭

危亭四柱據層峯攜得峰雲一袖濃恰似梵天花雨裏
珠宮每冠玉芙蓉

觀音洞

何處飛來此落伽默然不更轉三車設云義諦無餘轉
者箇非忘見轉差

賞遇樓

於此賞心遇每多春風秋月周巖阿十年前題綠壁字
一彈指頃纔幾何

飛雲峴

豐隆技癢不可止形其奇峯色其綺借問長繩繫得無
小試為之旋飛起

試墨泉

行雲流水定何踪試筆欣當五合逢慙愧會稽王內史

至今猶說墨雲濃

分鑑曲

曲徑沿堤兩鑑分
雲容嵐態總堪欣
恰如一月千江印
全體徒勞擬議紛

寫琴廊

曲折迴廊致有情
檻依瀉玉靜中鳴
靈巖若復相衡量
響屨還嫌太艷生

延綠廳

沓嶂威紆列繡屏每當過雨便來青畫家欲擬真粉本
嵐靄何曾有定形

犁雲亭

綠甸高低繪麥禾犁雲鋤雨較如何一年最是關心處
憂為茲多樂亦多

羅漢洞

何年駐錫應真羣坐席霏微花雨芬試問維摩著也未
辨才到此竟難分

如如室

金剛如者都稱六梵帙原來更有三

金剛經四句偈乃鳩摩羅什譯本其

他譯及西竺梵文皆作九如

三亦非多六非欠本無一物箇中函

層明字

絕頂平凌下視雲水村山郭望中分以斯朗照通為政
何慮人情物理紛

迸珠泉

青蒲戟戟石磷磷錯落傾來萬斛珍最是松風蘿月下

夜深彷彿見鮫人

心遠閣

山中樹古不妨蒼
閣裏夏深還覺涼
寥天大野何空濶
襟袖之間意與長

玉泉山西

秋來尚未陟香山
清蹕聊乘一日閒
縱是畫屏常在目
不如佳處自躋攀

玉泉小憩路由西
禾黍一溝秀欲齊
銅雀喧鳴非已好

教防蹂躪紫駟蹄

早田晚田一律佳曰暘曰雨近真諧半年飽識厓農苦
今日方看略慰懷

午熱欣緣催穀熟蒸為雨亦潤畦
蔬慰餘翻自生憂惕
時若毋忘待澤初

秋日香山

巖扉林塢小徘徊幾縷雲閒碧宇開
清興不期因地迫
好山端合入秋來汲泉磯畔魚知樂
試墨松邊鶴喜陪

最愛虛牕延野綠西成近矣望悠哉

靜室

搏壁上層椒心與碧虛廣颯然山風來吹我襟懷爽靜
室纔數楹俯臨含萬象敢辭幾務勞偶結煙霞想

碧雲寺

不關禮佛不叅僧為愛秋來嵐翠凝坐我虛軒縱遙目
碧天如洗正空澂

試泉悅性山房

德水堪方性澄渟見本初每來試汲綆便以擬澆書五
字片時就千峯一牖虛松門章奏鮮適可悅幾餘

早桂

山中早桂芳繁繁綴枝黃羞逐繁華艷愛饒清淨香潤
惟承露潔放為趁晨涼

桂花性喜涼遇
熱反開遲也

真是臯塗品人

間得未嘗

遊寶珠香界諸勝即景得二十韻

當秋山色淨趁曉夜涼舒玉魄依河澹金曦出海徐雲

莊發罕罕嶺路遙崎嶇蘿露霏煙細松風韻籟踈寺低
臨法海峯背指蟾蜍蟲響聞荒坂雞鳴見遠墟據高懸
照普得要觸懷虛歷歷非紆彼擬擬盡起予招提看宛
宛調御坐如如又是經年別真成方外居遵蹊再攀陟
搏壁且趑趄隨步來新會尋思忘舊於琴書原好在軒
榭試憑諸詎慕遠公社誰停元度車梵香空色相真界
靜鐘魚便以傳餐罷因之迴蹕初林颺鳴轡勒澗瀑濺
衣初大野欣多稼西成近可書三時望匪易一意略為

紆景惜粗疎過詩題攬結餘

處暑日二首

秋入已半月暑退逮斯晨午來婪熱劇清暉懸碧旻
彼春後寒又如老健人寧復厭煩歎惟益覺逡巡况乃
利田功催熟萬寶均樹杪動微風颯然爽頓新

半夏愁望雨雨足且及時早禾並晚穀高田復下陂均
轉歎為豐非予意所期方當慶逢年吾民庶免饑閩中
報夏旱淮下漲南涯嗟嗟惻獨哀何由拯墊危丁寧命

撫恤不待成灾題喜近而忽遠淺衷吾不為

詠玉韞

牙角徒傳古璆琳復見茲虛中離象卦圓外月盈規詎
止佩環用兼成弓矢資誰能連命中差不愧瓌奇

張宗蒼松陰水閣圖

身披松下風心印波中月纖塵何處著緣在水精闕

昆明湖上作

朝隳靄鬱含輕雨秋光湖上夫幾許恰因幾暇一憑臨

不是金風將玉宇雲容波態連蒼茫冷然衣袂生微涼
蟲聲益壯訴不歇蓮花欲老呈餘芳金官似重惜寥廓
別開風景為溟漠牙樯錦纜漫廻翔湖上䟽軒興所託
玻璃窓朗無纖埃宣毫江硯供清陪香界寺山如畫意
我昨適從箇裏來

玼璣

紫玉曰玼碧玉曰璣此玉內碧而外紫故名之曰
玼璣而系以詩

未辨于閔貢居然荆國倫
蘊中碧水澹彰外紫雲斌
一握光騰室三璠采暎旻
不藏我何有永佩此堪珍

鳳凰墩對雨

雨來西山西涼送北牕
北佳矣妙煙容時哉識秋德
珠璣有餘光綺縠無定色
既以利稼穡因之悅遊陟
湖心敞高樓娛晞停半刻

舟過萬壽寺

經筵禮近事還宮雨棹煙蓬一水通
時若邇來消息好

稍酬渴望敢言豐

堤畔精藍古樹稠
今朝雨裏慢維舟
溟濛雅似梁谿路
畫裏詩中記往遊

露蟲聲裏岼旋移
煙意秋聲又一時
門外僧人合掌跪
企予臨幸者何為

樂善園六韻

路便一舟通教停
憇沼宮新聲聞蟋蟀
秋色在梧桐
細雨霏還止
衰荷白間紅
憑軒欣颯景開牖
受西風鑒古

心常惕忘機境亦融名園繞兩字萬理蘊無窮

重華宮書室疊舊作韻

芸籍依然此緹帷偶來小坐惜流曦知行未逮王無玷
俯仰幾何鬢有絲兩字聖狂銘切凜千秋治亂鏡明披
徘徊擬欲賡前詠落筆都成自愧時

松獅

濶額猙猙雙目深居然底貢致西琛茸毛猛欲降羣獸
鉤爪森還列五鍼鸞鳳騰拏有仙骨狻猊剪拂具禪心

花前不用金繩掣彷彿搏毬戲故林

賦得太液秋風

太液漾華舟金韃爽氣流風來閭闔表景助鳳麟洲穀
影明漪日蘋颺颺度秋蓼花剛爛爛蘆穗早浮浮隔岸
聽銅雀乘波玩玉鷗心緣劬農慰題任觸懷投

秋日瀛臺即景

高秋霽景暢登臨山色湖光効靜深遐想貞觀留治蹟
也教泉石一娛心

金碧樓臺學嶠壺
假山松檜綠陰扶
涵元殿裏天香放

勝賞明看畫作圖

丙寅秋於此錫讌王公及廷臣賦詩聯句為圖張於壁間

豐澤當春憶演犁
黃雲今幸黍禾齊
艱辛稼穡三時望
曾未胼胝共兆黎

太液波澄鏡影空
蘭舟沿泛韻秋風
尋常想像稱佳話
那似當前體認工

瓊島峯巒翠岌峩
浮圖尊勝漾明波
誰教日下傳春景
可識秋光不讓多

經筵即事

清暉玉宇寬廣殿集衣冠要欲分陰惜寧同舊例看繹

思還戒頌切已率知難兩論雖言概

每進講經書輒各製論發明之是日

講論語視其所以一章易君子體仁足以長人一句吾斯意未安

沈周聽蟬圖即用其韻

蜩聲最喜玉琴然閉戶踈籬月樣圓歌枕北窓真傲世
客來何足訝貂蟬

文徵明秋巖聽瀑圖

晶箔不遮山色螺屏欲逗雲容葉態將踈還密秋光似
澹而濃高人隔崖小坐伊誰策杖過從可許平分幽韻
青蓮日照鑪峰

釋奠

先師孔子

高居詎恃九重尊
丁祭親承率駿奔
山海從來欽出類
宮墻何有得其門
樂音六奏非鐘鼓
禮器千年復簋樽
經席昨臨今釋奠
躬行未逮敢他論

黑白馬

黑簇烏雲白雪皚
昂藏峙立信龍媒
大宛致貢尋常事
漢武那稱天馬來

雨

高暴秋陽數日餘
朝來嘉霽又堪書
宜暘已慶兼宜雨
不疾剛欣復不徐
微冷頓教襲襟袖
潤膏端喜利耜蔬
西成近矣心方慰
遙憶江南更惕予

時屆西成各省多
稱豐稔惟江南高

寶下游水災特重因亟
命賑卹有年難邁如此

下河歎

下河十歲九被溺今年洪水乃異常五壩平分勢未殺
高堰一綫危騎牆寶應高郵受水地通運一望成汪洋
車邏䟽洩漲莫禦河臣束手無良方秋風西北勢復暴
遂致衝潰田禾傷哀哉吾民罹昏墊麥收何救西成荒

撫臣奏云今歲麥收較稔
故遇災而市糶未涌故云

截漕出帑救大吏無遺寧濫

丁寧詳百千無過救十一何如多稼歌豐穰舊聞河徙
奪淮地自茲水患恒南方復古去患言豈易怒焉南望

心徬徨

知時草

西洋有草名僧息底幹譯漢音為知時也其貢使
攜種以至歷夏秋而榮在京西洋諸臣因以進焉
以手撫之則眠踰刻而起花葉皆然其起眠之候
在午前為時五分午後為時十分輒以成詩用備
羣芳一種

懿此青青草迢迢貢泰西知時自眠起應手作昂低似

菊黃花韡如櫻綠葉萋萋詎惟工揣合殊不解端倪始謂

萋蒲誕今看靈珀齊

內府藏琥珀中有小草莖葉花萼隨冬夏二至以漸榮枯謂之靈珀

遠珍非所寶異卉亦堪題

高克恭青山半晴雨長卷歌

我曾輕舟直剪錢江水因之越山秀色看迤邐會稽茂

林修竹果無雙懷哉若耶溪畔雲門寺

叶

杜翁青鞵布

襪真清豪史公歷窮五嶽為雄遨要當讀書破萬卷此

風千載之下何寥寥尚書落筆不可當吏隱喜得居錢

塘酒壺詩冊日左右大塊變態呈方方朝雲黯澹入牕
戶暮雨淅瀝過河梁雨晴雲散遠山出忽看鴉背翻斜
陽隔岸師法叅無盡雲林識語存其詳模糊二米此頗
變亦如富春濃冶畧殊煙雨之瀟湘諸公手眼各出長
前後倡和多佳章江山本是舊遊歷對之頓忘孰幻常
泛月

秋月無不宜最宜中秋月乃多值塞上林隙延蟾窟今
秋御園度時節不可忽生魄光欲流澄池波更活試泛

木蘭舟真在水精闕
岼蟲聲正繁盆桂香
偏醇廣寒乍飛來
倚吟逸興勃

秋日漪瀾堂

雁塔凌青漢鸞堂枕碧濤
色聲歸靜域草木盡仙曹
練影窻前飲虹光堤外韜
微風看太液真覺九秋高

聞蘇州得雨誌慰

江浙春收今歲佳
米價平為近年少
因思無灾而截漕
去歲特行法良好
繼聞夏杪頗待澤
南望心憂怒如擣

優霑晚稻可卜收此音真吉因紆抱下河濱
滂灾已成一江之隔何龍鼎孰非吾民忍異
視所幸救半事易了飄搖風雨子遺黎安能
比戶歌溫飽

偶讀杜甫遊何將軍山林詩因題

從來治道戒恬嬉百爾殊途職各司稚子總
能文尚可將軍不好武非宜

中秋帖子詞六疊舊作原韻

有序

瓊樓玉宇天上良霄碧漢銀蟾人間勝賞
頻年塞

上對皓魄於幔城昨歲山莊挹清輝於芝逕月當
中而正滿景隨地以堪吟惟時鳳闕雲開迓蓬萊
之紫氣昆明波灑攬太液之秋風况復彩煥藥珠
奎部之六星並朗香霏金粟繡滕之萬寶同登瞬
息流光少延俄已六載會心佳節可孤負於今宵
詩續四章韻經六疊賡來翰苑不誇水調之歌傳
示藝林欲陋霓裳之曲

宮月虛教六載閒今宵慶賞不宜刪扇鸞依舊開青瑣

輪翬分明上假山

夜夜東瞻壁宿光
瑤階恰好發天香
今年秋榜應多吉
輝映文昌六戴匡

一畝堪稱地水師
影娥那可不賡詩
玉蟾此夜真端正
秋色皇州太液池

何須結綵學高樓
甲乙評量沈宋秋
獨共詞臣作清賞
六番賡唱數從頭

藻鑑堂

碧水周堂中有池廊圍一畝湛華滋來當潭潦欲收際
懸值秋蟾方滿時恰喜開匳光上下每因摘藻興淋漓
虛明萬物歸澄照翰墨香中得靜怡

張宗蒼畫杜甫詩意歌

返照入江翻石壁歸
雲擁樹失山村之句

我曾一舸渡揚子浩浩大江雄莫比誰解源從天上來
但流地中九萬里瞿唐三峽雖未到於杜甫詩今見此
當其中律鬼神驚挾造化奇細摹擬山村忽失樹歸雲
石壁欲翻入霞綺此景有自開闢初拈出方知絕妙理

江邊留滯苑堂貧樂在千秋無悶矣近日宗蒼亦畫史
能得詩意斯人耳雲乎江乎磅礴間今兮古兮精神裏
水精子

老冰化石為水精向聞未信今分明崑崙鬱夷誰則到
要當凝質資地靈勅使吉林便因致江潭云復多縱橫
土人瓦礫視不寶那知樸斲為罍餅抱朴語云成百和
紀載失實安足憑

中秋即事

細雨終朝疎或繁晚來開霽碧雲騫王僉真有獨工句
謝客曾無太失言點綴大千增逸趣光明全體露新痕
最憐萬古歌吟夕珍重姮娥此意存

中秋夜再成三首

夕陽開霽疊魚鱗入夜全晴朗一輪自是大千同見此
當前會者越精神

初思謝客言猶善究覺王家義獨寬不信今宵風月下

請君舉首一迴看

反前首
詩意

雕瓜繪餅麗皇京
霽後都欣特地明
來日玉輪從度節
行宮曠望景猶清

秋蒐木蘭啟蹕之作

秋是較蒐天平明
啟翠旃

東朝常奉豫武烈
每繩

先背歛西山霧
遙澄北嶺煙
沿途看寶穡
興會益軒然
石槽行宮對月
再疊舊韻

桂輪昨夜十分妍
翼魄偏欣更靜娟
野景恰逢將望夕

是月十
七日望
清光宵負廣寒天已看妙鬢全收翳欲囑飛娥

永駐圓佳節團團繞過了地廬料是總遲眠

八月十七日密雲縣行宮再疊前韻

樓雲壁月鬪清妍別館皋塗依舊娟照徹大千華藏海
近來尺五塞垣天善推和仲能留節惜景纖阿似閨圓
遮莫金吾行漏下中秋兩度且停眠

即事

曉寒一谷欲添衣午熱行宮羽扇揮近塞暄涼渾不定

與時作止在知幾霜遲頗喜待蕎熟露重兼資沃菜肥
雖是年年秋獨路省農每為駐驂騑

九松山

路轉峯迴巖谷清蒼松無數倚崢嶸恰如千古香山寺
知者惟傳九老名

命策楞劉統勲詳勘下河災卹事據奏較乾隆七
年水災為輕既用稍慰並詩言志

下河聞遜七年災南望中心少慰哉既慰翻因生怵惕

得毋諱飾自茲開

長城草

離離長城草
晞露霏秋煙
其下咽語蟲
雲中奏管絃
埤圯久圯毀
蔓葉相牽連
白骨纏荒根
舉昔死守邊
可知牢守日
應是已失年

雨

秋暖蒸為雨
霏空勢渺茫
盡湔婪尾熱
忽送打頭涼
圃老欣畦潤
征夫怨路長
人情評度處
難得兩全方

四川總督黃廷桂奏蜀省歲豐穀賤因命轉粟二十萬石賑淮揚被水州縣詩以紀之

全蜀幸逢年教開移粟船不因讀漢詔拯溺自應然

水

移於江南朕懼其饑寒不活方下巴蜀之粟致之江陵見漢武帝元鼎二年詔

灤陽別墅

澄澈寒潭潦已收又來巖館坐清秋人家煙見翠微裏
天宇晴開碧嶂頭新景高空明似畫舊題歲月迅如流
也知詩句多何益翰墨因心會輒留

小金山

灤江固覺非揚子試問金山是異同
兩水會歸溟海後根源總在大圓中

雙塔山

雙塔聳翠肖浮圖鹿苑當年了不殊
入影東西照灤水挿雲南北擬明湖

駐蹕避暑山莊作

山館延緣駐翠旌每來偏值素秋清
宜人山色看無厭

入畫溪聲聽有情間染丹楓出綠樹全教蛩語代蟬鳴
今年鹿信虞遲却兩日權停便擬行

嘉樹軒

構軒就嘉樹樹已百年餘蔚然軒亦古秀蔭籠庭除既
因悟所託寧云懷厥居窻戶碧紗圓常延月入虛

不二圖

維摩默然處文殊曰善哉是真入不二不語義已諛擬
向默然會捉影徒成乖云何儼作圖聲聞笑哈哈

雨

臨秋清暇好作雨塞山靈著樹湔紅綠霏空幻色形適
當停蹕際便可倚窓聽兩兩沙禽度衝煙落遠汀

聽瀑

瀑聲常認雨雨裏瀑偏奇纔識空摹擬不如真者宜
煙絲及珠點離奇互上下寄語倪黃流此景若為寫

永恬居

山不厭其深屋豈期其華巖居非雕繪疊樹相周遮悅

性適因靜會心奚必遐命筆戒綺言澹泊以為嘉

題澄觀齋

過水尋幽逕依巖構迥齋常教鶴守戶時下鹿書牌翰
墨香為侶琴尊靜者諧澄懷觀道妙益覺此間佳

八月廿三日作

恨以終身誌推遷倏復臨有懷

雲日杳無那歲時深默處山莊寂閒聽簷雨斟重欽瞻
顧命益凜繼繩心

駐蹕

細雨朝仍灑宣傳清蹕留亦因戀佳境何必急鳴騶卓
午旋開霽乘涼暢盛遊山靈真解事著我恣吟秋

尋題

尋題得句旋移境乘興為書不擇牋若問山莊殊勝處
逢源左右總超然

聽瀑

謂當雨裏無過矣可識晴來更怡然白界翠屏迂緩畫

律和聲瑟沅湘絃秋心宛在水精域煙色遙開玉塞天
今日始知謫仙句妙因霽後對前川

宿雲簷

寫楹纔見一絲鋪近巘遙巒乍有無五里張公真小矣
千年米老尚存乎衣衫常慮霑霽潤步武偏教繞徑紆
何必虞臣進歌頌山莊攬結作清娛

御製詩二集卷四十三

欽定四庫全書薈要卷一萬三千三百七十一

集部

御製詩二集卷四十四

古今體七十二首

癸酉七

山莊啟蹕之作

較獵乘時正凜秋巖闕爽氣拂旌旂晴開塞圃千峯近
雨挽山莊一日留野水拍橋沙漲落晚禾積圃石田收
無遺地力繁生齒為此欣然為此憂

霜

氣寒邊塞外白露早為霜萬里晴連漢十分曉變涼山
田收刈罷節屋堦熏忙物候親經慣關中正不妨

波羅河屯行宮作

一谷輕寒破曉風幾灣流水溯源通已看別館行來近
且喜山田報處豐過雨秋苔依砌綠含霜野菓綴枝紅
底緣到此多吟興筆架三峰正峙東

行宮東三峰矗立
土人名曰筆架山

即事

山村到處慶逢年民事咨諏緩著鞭詰曲籬邊聞犬吠

高低樹裏起炊煙

雲裏高峰雨不知漲添千澗只移時輕煙片刻全開霽
碧宇晶陽幻太奇

千峰紫翠畫屏迎不定尋常陰與晴截水愛看橫蟹斷
隔林時聽圖駝聲

早征

早征早莅止庶事暇有餘蹉跎或晏行奔迫將何如可
通為學方及時戒趑趄所以古之人孜孜惜居諸老大

嗟何及慎哉君子儒

入崖口作

縈紆塞水赴山溪霧歛高峰秋色淒仙境直攀千級磴
雄關誰藉一丸泥嘷榛石鼠如飛擲隱葉山禽不住啼
靈囿天成教習武往來每為駐驄蹄

汲伊遜水烹茶

所遇名泉必試品揚子第一故藉甚廬山瀑簾雖未悉
以此知彼豈虛審玉泉伊遜真巨擘難為伯仲均天稟

標名趵突澤皇都澗瀍利永阜豐廩塞菟此地每經過
可無表德垂終稔是時秋煙正霽川駕鵞翔集魚鮪淦
璫廬綆汲煮行鐺清賞作歌乃自朕蟹魚懶舉火候常
肘腋慢道風生凜八功德水宛在孟浮玉湧金盡斂衽
詎惟摘藻供澆書一時萬幕資烹飪

再疊前韻

伊遜之水第一品其質則輕味甘甚萬古靈脈秘龍沙
造物有待斯言審大禹惡旨戒在酒好茗何妨從性稟

罷園武帳值幾間聊事松雲烹石廩汲來清冽洵無雙
候中文武須歷稔從獸猶然不廢吟觀魚何用無忘滄
消渴皆因消芥憇泯象乃至泯兆朕舉杯千嶂正臨牕
紫翠絢采秋光凜颯景恍可豁迎眸涼風底慮輕拂衽
自怡悅亦何足云大亨還塵木火飪

題董邦達秋山煙靄小卷

為便行囊作袖珍秋山浮靄靄光新展當氊室千峰入
著語難分畫與真

橐駝

種繁鄯善多封牛食少任重其性柔畜中良產內地鮮

謬稱馬狀羊為頭塞程橐載無過此色有蒼白或黃紫

而今市販亦知用鈴聲替戾行連尾圖鳴嗜柳

俗云駝嗜柳

蒙古嗜酒

不肖前長繩穿鼻騎以牽征囊百務一身具蹄胝

背腫誰則憐驚頸低昂過磧川圖展塞景胡瓌傳避風

跑泉語乃誕

漢書西域傳謂燉煌往外國流沙千餘里無水有伏流駝遇其處以足跑地掘之常

得水又青海北夏有熱風傷行旅風將至駝先以鼻口匿沙中人見之以以羶擁蔽口面避其患常詢之青海

諸部皆
無其事
少見多怪理實然

即事

崇丘倚杵玉繩低開錦風前百鳥啼山體靜存雲幻動
馬頭東向霧迷西溶溶澹帶晨蟬影躑躑幽尋野鹿蹊
詎為盤遊恣從獸詰戎深意此中稽

塞花

塞花能耐寒冒霜越姍姍丁星帶煙霏娟嫵迎風姣秀
如爭籬菊芳自勝坂草饒有鳥獸遊而無絲管擾掛鉗

雅相宜拂室亦精好詎知銀燭下珍重發芬藻

行園四詠疊去歲韻

撒園

秋令木蘭獵年來率按行伐齊既以習紀律亦因明據
嶺排羣伍沿蹊致兩旌詎徒恣從獸要寓詰戎情

待園

中軍例徐進猶在白雲涯選勝居其要乘閒酌所宜層
巒疊嶂際翠栢紫楓時隱若山靈詔依然合有詩

合園

如星之拱所擬月以圓稱嶺碧遙拖柳峯圖迥轟僧

碧柳

嶺僧機圖皆
圍塲內地

周遮羣効力馳射各呈能靈囿天然闢朝

家奕世仍

罷園

素志常銘內臨歡戒極歡息教歸布帳招底藉皮冠炊
熟地為竈割鮮草作盤披星仍迨曉晏起敢三竿

雨獵

虞人破曉驟前旂
圍合秋山雨脚稠
成局不教傳罷獵
佳名漫擬魏文侯

千峰頃刻吐雲奇
一陣涼絲馬上披
頗念征人歎漸石
關中秋麥却宜時

度嶺踰溝萬點繁
瀑垂何必藉遙源
雨衣不漏知需瓦
謫諫還因憶讜言

時止時霏煙景宜
凌風赤羽未嫌遲
數番馳射徐收伍
跋涉吾原衆共之

重陽

九日惟今日登高此最高
天空秋益肅峰迥興偏豪
擷秀寒於菊割鮮腴勝
饒景光隨處賞賡詠有仙曹

出哨

納稼都完民氣和
往來廿日覺無何
詎貪朔塞連圍樂
且喜山村高廩多
閒却鷹韝徐駿馱
來鹿角簇封駝
帷宮賦就權弢筆

近著後哨鹿賦
因閒數日未詠

觸緒依然事一哦

波羅河屯行宮疊舊歲韻

白雲背塞垣紅葉閒村落流來內地民日久成土著何
敢誇真甌惟是欽調幕連朝閱豐收劬農心為綽別館
景依然靜憇饒清樂

木蘭迴蹕駐避暑山莊作

木蘭秋獮薄言旋山館重教此憇延菊有黃華幽傍砌
桂餘金粟馥噴筵隔林麋哨聲遲鹿

鹿哨早而麋哨遲
山莊內所有皆麋

木蘭
乃鹿寫棟雲飛影亂煙往返停留頻屬詠箋揮壁勒自
年年

無幾何時往返周山容紫翠闌深秋風吹落葉如聞雨
潦盡寒潭遠見洲點綴閒雲晴晦幻依遲別館性情投
去時忽遽鳴征轡攬結今應數日留

題素尚齋

數間樸屋萬山中鹿豕為遊溪壑叢造物由來敦素尚
書生未足詡家風霽空色朗依峯白雨葉聲繁點砌紅
近歲遙年頻檢校幾番靜悟不同同

觀瀑

虛亭搆沙渚懸流落石激奚啻供耳謀實堪悅目擊續
紛濺磯迸斷續盈科滴似張匡廬圖誰面少室壁今朝
大快意覩近勝聽逖

千尺雪歌再疊舊韻

物無妍媸貴已有譬之雞口與牛後趙家寒山雖鼻祖
豈似奔川帶我牖落葉雨如散天花八功德水無更加
澹然淨練掛千尺披圖彷彿荆關家千林一色皆凝素
雪耶聲胡作英護聞觀寂復似無聲妙覺都來歸靜悟

時為淳注時潺湲對我邇年幾往還如斯逝者曾不改
依然沙渚縈雲灣枕流靜室瀟而灑影漾蜃牕光上下
清機颯景奏秋深興來恰當吟篇把宗蒼吳人還寫吳
盤山吾亦規摹夫春卿點筆繪西苑學士實則圖斯區
去年遊盤山自為千尺雪圖而以寒山屬宗蒼西苑屬
董邦達熱河則命錢維城各為一圖四卷合裝分貯之
四卷匣皮伴竹爐一覽備悉事創吾風在林端月在湖
取之無盡何同殊

桂

今年秋信長九月桂花黃砌下芳融日塞中寒傲霜小
山重詠句圓魄早虧匡擬付含毫者還稱天外香

清舒山館

山館悠然清且舒每來偏覺適幾餘雲開遠岫蒼盈牖
風過疎林紅點除

雁背霜空秋意深晴和聊復一登臨次寥丘壑無宗賞
淡泊生涯靜者心

暎日芳菲九月菊過雲錦繡一房山縹緗隨意堪抽繹

赴此秋齋片晌閒

河徙

河徙古縱有今番實罕遇白露秋汛過洪波反盛怒隄潰致改常尋思豈無故帑項雖屢支楫艾匪素具以此竊饋聞按核弊盡露欲蓋乃彌彰坐聽波臣付小人為已切遑為斯民慮其心不可問歐刀詎能恕哀哉下河民淮漲灾已遽何堪河奪淮徐邳復沮洳寢食為弗寧戚戚增憂懼

今年七月淮水盛漲洩洪澤湖五壩泛車邇潰二閘下河高寶興胥受其患黃河復

於九月初決銅山堤南注靈虹諸
邑歸洪澤湖奪淮而下為災益甚賑恤令盡力障築方

歌瓠初謂老成人羣稱曉河務

謂高斌張師載

受欺乃欺予龜

玉毀於櫝

叶

債轅一至茲知人難被悞忸怩深自咎遑

宵諉天數

漫題菊

鞠有黃華載禮經何來紅紫幻多形
茸儒充隱紛無數
人有如斯物可聽

寫心精舍作

鼓越建蕭寺

甫田鼓越三十六景之一地既平敞爰建精藍名曰永佑以誌皇祖之恩於無

窮精舍構其側名寺曰永佑寫心舍之額一時此徘徊

千秋誌

恩澤流水與行雲夫何有無迹

菴畫牕

下臨無地一牕虛帶水屏山攬結餘最愛錘峰剛對座

羲皇前物起吟予

迴蹕灤陽別墅作

山木有苑枯空雲有去來日日行邁客豈能無往迴苑
枯木不知去來雲不期云胡往迴間歷歷今昔時問昔
曾安在問今復如何秋深峯罨畫風度江生波閒館之
相遭於斯會意多

即事

塞宇雲生欲變寒征裘逐日換歸鞍築塲納稼逢迎好
農務民艱取次看過嶺東西兩流水映溪上下一停巒
山田頗有豐年慶祇恐茅檐尚怨歎

題張宗蒼小景

一朶芙蓉似假山飛流隱隱落其間都將千里收盈尺
出以神奇運以閒

雨

行程指兩月為日亦不少長此竟無雨麥收安期飽或
夜雨朝晴否則駐蹕好人有不能從何況於天道知然
胡戚戚慮衆行泥潦習勞率藉茲自解聊紓抱紓抱焉
能紓遙遙憶淮徐秋靈實異常河徙奪洪湖嗟嗟昏墊

民漂搖棲沮洳所希霖潦減或可事歌瓠此憂無解方
南望以齋吁

題了髻山碧霞觀

四面山圍畫屏障中天路豁界玻璃靈峰光幻同金馬
神澤依稀擬玉雞夢雨初晴嵐翠濕小春猶暖櫛銀低
平生懶問長生術羽客休誇躡景梯

初自田盤西谷取道達靜寄山莊

塞菟餘興託巖棲捷徑聊從西谷西怪石吹風驚欲墜

精藍寫霧忽如迷施檀空切居僧望

路過雙峯法藏諸寺率顏廢山僧頗

望鼎新云

列嶂新迎駐馬題疑是山靈酬始遇千峰晴晦幻

高低

登雲罩定光塔

鳴鞭西谷入雲裏行行雲盡居足底窄堵猶在最高峯
進步竿頭應似此我來每度必親登拾級不知勞屐履
春山澹冶秋山蒼所逢今日多過彼滃鬱靄復淒淒
蒼蔚氤氳更縻纚隱現樹色錯翠丹變幻巒形紛岌義

世界真似乾闥城雲海黃山兒戲爾我聞佛說如是法
譬之乃如大雲起孰獅吼孰野干鳴調御默然天龍喜
駐蹕靜寄山莊

羣峯疊背玉嵯峩閱歲巖扉偶一過明月清風無盡藏
奇松詭石此間多村旁廩積覘農慶幾暇遊觀樂物和
扈蹕詞臣漫呈頌矢音惟覺愧卷阿

對瀑

山罅亂泉多引之即成瀑愛此雲間聲築成石裏屋
訇

清近牕牖形容小珠玉濺冬豈知凝網月那可掬消此
片時閒孰不云清福

池上居

砌石為池上構居一泓襟袖攬如如石湍響答松湍靜
水鏡澄含月鏡虛舒卷天真任嵐靄飛沉自得樂禽魚
絲竿煙舫都無藉耐可空明意泛諸

晴

雲脚亂絲霏風吹散若飛千山開畫障一谷暖陽暉黛

色濃松磴泉聲壯石磯憑牕別生慰被隴麥滋肥

雲林石室

搏壁出蠶叢林齋有路通石當人面翠楓落樹頭紅惟
介方宜靜因虛益不窮昨朝凝望處原在白雲中

千尺雪

飛泉落萬山巨石當其根匯池可半畝風過生漣淪白
屋架池上視聽皆絕塵名之千尺雪遐心企隱人分卷

復合藏在一三來賓

寒山田盤熱河西苑皆有千尺雪
各繪為四卷合藏而分貯其所每

坐一處則三景皆在目中

也

境佳泉必佳竹鱸亦可陳俯清酌甘冽

忘味乃契神披圖謂彼三天一何疎親

得槩軒

因迥為精舍賅奇入曠觀真花颯風落畫樹久霜丹勝
槩信稱得環山故曰盤一窻明日嫩靜坐不知寒

即事

石罅流泉潺且湲偶然障亦可行山黃流自古稱雄浪
堵築遙思甚矣艱

半天樓

崇椒延閣迥步步上丹梯月牖千竒入霞標萬象低吸
噓接顥氣視聽合天倪隱隱聞笙鶴常來此處棲

對月

盤中曾對月冬月今對初小春了不寒朗映襟懷虛山
木盡桂枝輪囷復扶踈漱漱石泉光魄影上下俱右丞
之所曾昔見招裴書俯臨大野寬萬帳燈竿殊清光不
孤人燭火何為乎

天成寺

盤澗千迴嵐翠重到來古刹據芙蓉江山一攬仍憑閣
風日初晴正柏冬泉似袪塵常掛箔松如聽法擬降龍
小俄延復催歸轡清戀惟留雲外鐘

西甘澗

峰迴路轉澗泉潺山寺蕭條只數間隨分枕甘還漱介
便宜白足是高間

東甘澗

一谷小春暖循西便至東野廬不成寺變相示真空登
閣聊乘興開牕不礙風誰家生色畫松翠復楓紅

古中盤

石磊千仞岡林疎一綫天是中有佳處單騎相沿緣既
窮外狹得中宏紅牆纔見羅花宮初地未許容易到尚
步丹梯百十重調御對我無一語拈花似示真宗所旁
有精舍可周旋憑窓萬象紛來侶海氣翳匡襟袖間因
之飛興蓬萊山安期羨門至今在未改鶴髮青童顏劉

郎脫屣真癡情後來仙者何無名點筆欲辨滄桑事田
盤先生笑失聲

題唐寅蟹眼松風圖即用自題原韻

就水惟應事品茶攜來恰有雨前芽解元想像如相謂
石瀨松濤此處嘉

盤山迴蹕之作

五日少延留言旋啟蹕騶柏冬厓省歲忘返戒從流背
指雲峰寺遙循霜路郵前旬甘雨足麥隴綠針抽

偶作三友圖因題以句

伯夷聖之清
瀟灑侯似彼
伊尹聖之任
後凋貞可比
柳下聖之和
報春屬冰蕊
堪為忘年交
要之皆君子
孟氏既前呼
蘇家後唱是
允稱益者友
不出尼山旨
命筆寫其真
在彼不在此

恭依

皇祖溫泉行元韻

小春風日溫而清
離宮駐蹕逸趣生
沙汀石瀨率含凍

暄波漱響偏琤琤
嵩山仙池杳莫辨
建武別館徒相爭
當年卷阿可仰躅
至今

聖藻星雲明方沼
甃玉左復右靈脉噴珠澄
且泓曲溝
引導達戶戶中各向暖
當南榮細流龍首初滴注
有如
瑞露浮金莖
澹然忽放屋池滿氤氲
澹蕩難為名
濟涼
酌暖擬紫府
蒸霞吐霧疑
赤城水仙騎
鯉在白壁呼之
舉手欣相迎
蠲疴益壽有奇助
何必縹緲求壺瀛
承歡家法同孝養
神仙此耳無多情
繹思

來歌續元韻幸當海宇方承平耽逸忘武夙所戒塞山
回望雲中橫留連勝處亦曷可明當啟蹕旋皇京新豐
繡嶺是烟鑒毋容易視溫泉行

初冬御園即事

塞獮依然往返為明牕惟覺白駒馳山高水落無多子
菊瘦松堅又一時覓句寒郊雖自得翻書温室雅相宜
災民澤國常厪念慙愧何方救墊危

御門日作

勤怠審所勝吉吝從其類臨軒勅庶幾勤政思明義

離宮

視事之所皆以勤政名殿乃我朝家法也

憂心憶河淮集思籌救濟不無補

偏方難言永逸計道謀鮮潰成自用或僨事用中乃在
吾艱哉執兩智

石景山初禮

惠濟祠

崇祠依石堰像設謁金堂雲壁瞻初度曦輪屈小陽河

防慎有自

永定河自此地始有修汛以上乃萬山東流無事隄防也

神佑賴無疆疏鑿非經禹惟厯永定方

初至戒臺六韻

名利近千載渡河斯偶尋自來幽勝地蚤結憇遊心吉

馬遵山棧

御馬名
相吉驄

塞禽亂柏林兩峯豁開戶一水宛垂

襟我足憂勤畏佛無來去今便教促歸蹕餘興寄高岑

冬日還宮之作

不省方臨輯狩巡和鑾朝入鳳城闈蜃窗日朗蘭噴霧
雞樹風輕玉藹春室處縱安清切禁桐棲那忘怨咨民

何時底績宣房奏南望遥遥繫念頻

鼎新

南郊告成正值長至大祀九奏歲韶七言紀什

敬舉冬官事告全

精裡恰值子初旋虹光丕煥三千丈

天宇維新四百年
匏爵灋灋升湛露
猊鑪馥馥引非煙
律元應候韶成九

景福希邀爽葉綿

臘月二日雪

甘雪剛逢臘農祥早先

去聲

春散為花是喜積作玉餘津

展帖香生古烹茶句得新更希盈尺紀近遠布膏均

今秋洪湖水漲漫決高郵二閘而黃河復決銅山

南徙淮徐揚胥被水災特命大臣往來董率堵

築今均以臘月十二日合龍同日奏到河流順



軌積水漸消東作可期詩以志慶

淮決維揚河又侵茭捷堵築救胥沈兩堤齊報一時合


一日懸紆兩處心裏事臣工力真殫錫嘉

天佑惠誠深春耕明歲纔堪課敢即云愉倍惕欽

除夕

開崇殿曦輪隱掖垣四時相嬗代一氣貫貞元靜
環理寧煩頌祝言餞詩成例事百首豈辭繁

御製詩二集卷四十四



總校官庶吉士

臣侍

朝

校對官庶吉士

臣陳文樞

膳錄監生

臣魏綿曾

曾